

خزانه محاکمه

جمعه ایرتسی

نومرو	جاذی الاولی	سنه	تشرین ثانی	سنه	صفحه
۷۹۷	۲۵	۱۳۱۲	۱۲	۱۳۱۰	۱۱۸۶۹

(اشبو غزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکر می غروش)
 (حسابیله التمش غروشدر . طشره لر ایچون اون بش غروش پوسته اجر قی ضم اولنور . بهر)
 (نسخه سی ینه مجیدیه یکر می غروش اولوق اوزره یوز پاره یه هر یرده صاتیلور . درج اولنه حق)
 (اعلاناتک هر برندن بر مجیدیه اخذ اولنور . سنه لکنه مشتری اولوق استیانتلر عدلیه نظارتی)
 (داتره سنده کائن جریده محاکم اداره سنه مراجعت ایلملیدر)

در سعادت استیناف محکمه سی مدعی عمومی
 معاونلکی محکمه جنایت برنجی صنف کتبه سندن
 عز می بکه تفویض بیورلش ومومی الیه مانک
 ذات شوکتسمات حضرت خلافتناهی به ودولت
 علیه لرینه صادقانه ایفای خدمت ایده جکلرینه
 ومفسار عدالت حرکاتده بولنیمه جکلرینه داتر
 تخلیقلری اجرا اولنمشدر

قسم رسمی

توجیهات

اسکدار بدایت محکمه سی مدعی عمومی
 در سعادت استیناف محکمه سی مدعی عمومی
 معاونلرندن عزتو ممدوح بکه

عدليه نظارت جليله سنه ارسال اولنان اوراق
مفاهيمه نظراً مومی اليهك ار تشايه جراً فی
حقنده اخبارات موجود ايدوكی اكلاشلد یفندن
تحت محاكمه النسی ایچون نظارت مشار اليهادن
مذکور مدعی عمومیلکه مأذونیت ویرلشدیر

(فی ۲۹ ربیع الاخر سنه ۳۱۲ وفی ۱۷ تشرین)
(اول سنه ۳۱۰ تاریخنده در سعادت ایله بالجله ولایات)
(استیناف محکمه سی مدعی عمومیلرینه ومدعی عمومی)
(بولنمیان محللر مدعی عمومی معاوئلرینه یازیلان)
(تحریرات عمومی صورتیدر)

متعدد محللره کشیده اولمقی اوزره تلفرا -
فخانه به کوندربیلان متحد المال تلفرافنامه لر
بشقه بشقه کاغذلره تحریر اولمقده بولنمیسندن
طولای هر تلفرافنامه آرو آرو معامله ایله
جکلمکده وبو صورتله مأمورینک مشغولیتی
تضاعف ایدرک اجنبی اداره وقومپانیه لری
حطالر ندن اصرار ایدیلنلر ایچون دخی فضله
اجرت اعطاسندن طولای خزینة جلیله متضرر

بیان آباد قضای نائی و بدایت محکمه سی
رئیس خلیل حشمت واعضادن احمد ومستنطق
سلیمان افندیلرک مواد معینده وظیفه مأموریتلرینی
سوء استعماله جرأت ایلد کیری انقره ولایتی
استیناف مدعی عمومیلکنندن عدلیه نظارت
جليله سنه ارسال اولنان اوراق تحقیقه مودا
سندن مستبان اولدیفنه مبنی مومی اليهك تحت
محاكمه النملری ضمننده نظارت مشار اليهادن
مذکور مدعی عمومیلکه مأذونیت ویرلدیکی کبی
نائب مومی اليهك نیابت شرعیه وظائفه ده
بعض سؤ استعمالاتی وقوعی اكلاشلمسندن ناشی
طرف عالی مشیختیناهی ایله جریان ایدن مخابره
اوزرینه بوندن طولای دخی مرجعندن اجرای
محاكمه سی ایچون تبلیغات مقتضیه اجرا ایدلشدیر

سونفورلی قضای بدایت محکمه سی اعضا
سندن اولوب مستنطق وظیفه سنی ایفا ایدن احمد
افندیلرک افعال جرمیه ایله مظنون اولان محرر
الاسامی اشخاصدن ار تشايه جرأت ایلدیکی
اخبار اولنسی اوزرینه جریان ایدن تحقیقات
نتیجه سنی شامل انقره استیناف مدعی عمومیلکنندن

اولمقده ایدو کندن بحشله بعد ازیں بومثللو
تلفرافنامه لرك آرو آرو کاغذلره تحریر اولنما -
مسی ضمننده تبلیغات عمومیه اجرایی تلفراف
وپوسته نظارتنک اشعارینه عطفاً توارد ایدن
بیورلادی سامیده ازار اولنسی اوزرینه تعمیماً
اجرای تبلیغات اولدیفنی داخلیه نظارت جلیله
سندن وارد اولان تذکرده بیان واشعار
قلمش و کیفیت لازم کلنلره بیلدیرلش اولمقله
مأموریت بهیه لرنبه بوجه محرر ایفای معامله به
دقت واعتنا اولمقی وملحقاته دخی تبلیغ ایدلک
اوزره اشبو تحریرات عمومیهك نسخ مطبوعه
کافیه سی لفاً تسیار قلندیفنی بیانیه

(فی ۴ جمادی الاول سنه ۳۱۲ وفی ۲۲)
(تشرین اول سنه ۳۱۰ تاریخنده در سعادت)
(ایله بالجله ولایات استیناف محکمه سی مدعی)
(عمومیلرینه مدعی عمومی بولنمیان محللر مدعی)
(عمومی معاوئلرینه یازیلان تحریرات عمومیه)
(صورتیدر)

ولایات عدلیه انجمنلرنبه اجرای مأموریتی
ایچون اجرا قلنان امتحانلرده مجله ایله اصول
محاکمات حقوقیه دن ایراد اولنان اسئلنک اصول
انتخاب قانوننک اون برنجی ماده سی موجبنبه
اجرایه متعلق اولمامسندن واوراق امتحانیه
زیرینک انجمن هیئتلری طرفندن امضاوتصدیق
ایدلما مکده بولنمیسندن طولای اکیال نواقص
ضمننده بومثللو اوراقك بالضروره محللرینه
اعاده ایدلمکده اولسی معاملاتنک تاخیرینی
استلزام ایدلمکده بولنسیله بعدما اجرا مأموریتی
ایچون امتحانی لازم کلنلرک مجله نك طقوزیوز
طقسان سکرنجی ماده سندن بیک ایکنجی ماده
سنه قدر محرر اولوب اجرایه متعلق اولان
مسائل ایله اصول محاکمه حقوقیه نك كذلك
اجرایه متعلق بولنان باب تا سندن و اجرا
قانونندن تکرار اولنان اصول انتخاب قانوننک
اون ایکنجی واون اوچنجی ماده لری احکامنه
توفیقاً لا اقل دردر سؤال ترتیب وایراد وتحریراً
وشفاهاً اجرای امتحانلرله برابر حجز واخبار
نامه کبی امور مأموره لرینه متعلق اوراق رسمیه
دخی تنظیم ایتدیرلسی وهربر ورقة امتحانیه
زیرینک صنعت مأموریتلری کوستربلرک هیئت

طرفندن امضا وتصديق اولغىسى لزونىك مراكر
ولايات عدليه انجىملار يىنه بيلدىرلىسى هيئت ميمزه
وياست عليه سندن بامذكره افاده اولغىش وكيفيت
لازم كنلره بيلدىرلىش اولغىله اوراجه ده بر
منوال محرر ايفاي معامله دقت واعتنا اولغىش
اوزره كيفيتك مركز ولايت انجمن عدليه سىنه
تبليغى بياننه ابتدار قلندى

مصدق سىك تستير قلندىغى بيان عاليه اجراى
الحاجى ۱۱ رجب سنه ۳۱۱ وفى ۶ كانون ثانى
سنه ۳۰۹ تاريخلى تذكره ساميه ده امر واشعار
بيورلىش و ذكر اولنان ماده قانونيه نك نسخ
مطبوعه كافيه سى لفا صوب بهيرلر يىنه تسيار قلندىش
اولغىله محاكمجه ايفاي مقتضا سنه همت اولغىسى
سياقنده

(فى ۱۶ جمادى الاخر سنه ۳۱۲ وفى ۳)
(تشرين ثانى سنه ۳۱۰ تاريخيله بالجله ولايات)
(استيناف محكمه سى مدعى عموميلر يىنه مدعى)
(عمومى بولنيان محالرمدعى عمومى معاونلر يىنه)
(يازيلان تخريرات عموميه صورتيدر)

جزا قانوننامه همايونىك يوز اوتوز اوچىچى
ماده سى مقامنه قائم اولق اوزره تنظيم اولنوب
شوراي دولت ومجلس مخصوص وكلا قرار لريله
بالا ستيدان مرعيت احكامنه اراده سنیه حضرت
خلافتناهى شرفصادر اولان ماده قانونيه نك
ديوان همايونجه معامله قيديسى بالا اجرا صورت

جزا قانونىك يوز اوتوز اوچىچى ماده سنه قائم
اولق اوزره قلمه النان ومرعيت احكامنه بالا -
ستيدان اراده سنیه حضرت پادشاهى شرفمعلق
بيوريلان ماده قانونيه صورتيدر

خيرات شريفه وتزينات بلديه دن اولان اينيه
و آثار موضوعه يى هدم وتخریب وياخود بعض
محللر يى قيروب رخنده دار ايدن وجوامع حويلر -
نده وسير يرلرنده واسواق وميدانلر ده كي اغاجلر يى
قطع وتلف ايليان ومقابر وامواته تعرض ايدن
اولور ايسه ضرر لرى تضمين ايتدير لكندىصكره
بر آيدن بر سنه يه قدر حبس ايله مجازات اولنور

وبر مجديه التونندن اون مجديه التوننه قدر
جزاى نقدى النور

فى ۲۸ جمادى الاخر سنه ۳۱۱
وفى ۲۵ كانون اول سنه ۳۰۹

قسم غير رسمى

اذميد بدايت محكمه سندن ۲۲ اغستوس
سنه ۳۰۸ تاريخى والتمش طقوز عددى ايله
استينافاً اعطا قلنان اعلامك تميزىنى استدا ايدن
اذميد تابع قندره قضا سىك قره صو ناحيه سنه
مضاف انجىرلى قريه سنده مقيم حطب تيجارندن
اوغوا اوغلى احمد افندى وكلى سرور افندى
ايله ميمز عليه قريه مذكورده ساكن اورمان
سواري مأمورى صوفى اوغلى احمد مضراب افندى
وكلى مهران افندى يوم معينده دائره يه كلكدر -
ندن ايضاحات شفاهيه لريله باش مدعى عمومى
معاونلرندن سعادتلو يورغاكي افندىك مطالعه سى

استماع اولندقدنصكره تدقيقات تميزيه اجراسنه
ابتدار قلندى .

اعلام مذكورك خلاصه مالى مومى ايله
احمد مضراب افندىك مستقلاً تصرف ادعا سنده
بولندىغى انجىرلى قريه سنده واقع معلوم الحدود
عرصه نك حبيبه و خديجه خاتونلر فراغندن
مومى ايله مضراب افندى ايله احمد افندى عهده -
سنده مشتركاً مقيد اولدىغى بالاستعلام قندره
طابو كىتابتىك تخريرات جوابيه سنده محرر
بولندىغى بيانيله مذكور عرصه نك مشتركاً
تصرف ايدلسنه و اوزر يىنه انشا ايديلان خانك
حين انشا سنده احمد افندىك نظارتى سبق ايتمى
جهتيله صرف ايديلان مبالغ حقنده طرفيتك
ادعا ومدافعه لر يىك استماعنه دائر قندره بدايت
محكمه سندن ويريلان اعلامك استينافاً بالتدقيق
اسباب قانونيه يى مبنى فسح اولندقدنصكره جريان
ايدن محاكمات وتدقيقات استينافيه نتيجه سنده
منازع فيه عرصه نك درتيوز غروش ثمن مدفوع
مقابلنده مضراب افندى يه فراغ ايدلىكى اولاباده
ابراز ايديلان ۳ صفر سنه ۳۰۹ تاريخلى اعلام
شرعى مندرجاتندن اكلاشيلوب مومى ايله احمد
افندىك اشبوبيع وشراده اشتراكه دائر صراحت

کافیه اولمادیغه و طابو کتابتدن و برلش اولان سندک کیفیت اعطاسی ایسه مذکور اعلام شرعی به مستند و اعلام مذکور ایله متن سنده مرقم تاریخلر یکدیگره مطابق اولوب انجیق متولی طرفندن وقوعبولان ادعا اوزرینه اعطا قلمش اولان اعلام تاریخی بیعی متضمن اولان سالف الذکر اعلام شرعی تاریخندن مؤخر اولمسنه و طابو اداره سندن مبعوث جوابده سندده یالکزر مضراب افندینک یازلمسی سهوه مبتی ایدوکی کوسترلش ایسهده اسباب موجبسی بیان اولنماش اولدینی کبی اساساً سندمذکورک مبتی علیهی اولان اعلامده بیعک مضراب افندی نامه حصر وقصر ایدلیدی کوسترلسنه بنسأ مذکور طابو کتابتک درکناری ایله اعلام شرعی به قارشواساسنز و اعلام مذکورک و نائق متعبره دن عدی احکام مجله اقتضا سندن اولدینی بیانیه مومی الیه احمد افندینک اشتراک ادعاسنک ردیله مذکور عرصه اوزرینه مبتی خانک مضراب افندی طرفندن مستقلاً تصرف ایدلمسنه حکمدن و مستدعی تمیز احمد افندی و کیلی سرور افندینک اشبو حکم علیهنده کی اعتراضاتک خلاصه سی منازع فیه عرصه قیمتک بش بیک غروشیدن

دون بولمسنه کوره دعوی واقعه قابل استیناف اولدینی کبی ذات دعوانک رقبه وقفه متعلق اولمسیله رؤیتی محاکم شرعیه به عائد اولدینی کبی اساس ماده به کنبجه مذکور عرصه نک مشترکاً تفرغ ایدلیدیکنه دائر احمد افندینک درجه اولی محکمه سنده اقراری سبق ایتمش اولمسیله بوبابده ابراز ایدلیدی اعلام شرعینک احکامی و اراضی اداره سنک قیود اساسیه سی مؤکنک ادعاسنی مؤید اولدینی حالده استینافاً بوجهتار تدقیق ایدلمکسزین بر منوال محرر قرار ویرلمسی مغایر قانون بولندیقندن بختله اعلامک تقضی و عیز علیه مضراب افندی و کیلی مهران افندینک نتیجه جوابی مؤکنه اسناد ایدیلان اقرارک اصل و اساسی اولیه رق سالف الذکر اعلام شرعی مندرجاتی دخی مؤکنک استقلاًلاً تصرفی معلن و حکم استینافی اصول و قانونه موافق اولدینی بیانیه اعلام مذکورک تصدیق طلبندن و معاون مومی الیهک مطالعه سی دخی دعوانک رقبه وقفه متعلق اولماسنه و قانون دائره سنده تقدیر قیمت ایدلما مش اولمسنه کوره بوبابده کی اعتراضاتک موافق قانون اولدینی بیانندن عبارتدر .

اول امرده مستدعی وکیلنک وظیفه حقندن کی

اعتراضی بالتدقیق معاون مومی الیهک مطالعه سی وجهله غیروارد بولمسیله ردی قرارکیر اولدقدن صکره اساس ماده نک ایجابی مذاکره اولندقدن اعلام مذکور مندرجاتندن منضم اولدینی اوزره عند الاستیناف منازع فیه اولان عرصه ایله انشا ایدیلان خانه نک مبرز اعلام شرعی ایله طابو سندی مندرجاتنه استناداً مستقلاً مومی الیه احمد مضراب افندی طرفندن تصرف ایدلمسنه حکم ویرلمش ایسهده ذکر اولنان عرصه نک وقف اولمسندن طولای اجاره زمینی حقنده مؤخرأ متولی وقف جانبندن اقامه اولنان دعوی اوزرینه طرفین بیننده مشترک اولدیفنه دائر ویرلیدی طرفندن بیان و تذکار قلنان اعلام شرعی مندرجاتی حقنده طرفینک ادعا و مدافعاتی و اقتضا ایدن طرفندن بینة شرعی استماعیه نتیجه حاصلیه کوره حکم ویرلمک لازم کلور ایکن یالکزر مومی الیه احمد مضراب افندی ینک ابراز ایدلیدی اعلام شرعی و طابو سندی مندرجاتنه استناداً اعطای حکم اولنمسی تقضانی تدقیقاندن معدود و قانونه مغایر و مستدعی وکیلنک بوجهته متفرع اولان اعتراضی موافق نفس الامر کورندیکنه بنسأ اصول محاکمه حقوقیه قانوننک ایکوز اونوز ایکنجی ماده سی

موجبجه اعلام مذکورک تقضیه قانون مذکورک ایکوز قرق دردنچی ماده سی حکمنه توفیقاً کیفیتک یکیدن بالرؤیه اعلامه ربطی ضمننده محکمه مذکور به اعاده سنه وزیرده مفرداتی مرقم در تیوز طقوز بیق غروش مصارف تمیزیه نک ایلروده حقسنز چیه حق طرفه رجوع ایتمک اوزره اول امرده مستدعی تمیز احمد افندینک سنه ۱۶ کانول اول سنه ۳۰۸ تاریخنده متفقاً قرار ویرلیرک تفهیم قلندی .

نوشهر بدایت محکمه سندن فی ۲۵ شباط سنه ۳۰۶ تاریخی و قرق طقوز عددی ایله ویریلان اعلامک تمیزینی استدعا ایدن نوشهر قصبه سی اهالیسندن مانیفاً طوره جی قالین اوغلی یوردان ایله مدعی علیه قصبه مذکور ده مقیم سلیمان افندی یوم معینده دائره به کلد کلرندن باش مدعی عمومیک مأموریت علیه سنک مطا له نامه سی الد قد نصکره اصول محاکمه حقوقیه

قانون موقتك ايكيوز يكرى طقوزنجى مادهسى موجبجه تدقيقات تميزيه اجراسنه ابتدارقلندى

اعلام مذكورك خلاصه مالى مومى اليه سليمان افنديك بدلنى قبض اتميه رك مرقوم يوردانه اعطا ايلمش اولدينى اوتوز بش ليرالق امره محرر برقطمه سند اخيراً مرقوم يوردان طرفندن دخى ياسف نام كسنهيه جيروايديلهرك مبلغ مذكورك افندى مومى اليهدين تحصيلى تحت حكمه آديرلمش اولدينك تحفته مبنى مذكور اوتوز بش ليرا ايله سكر بيك يوزتمش طقوز غروش قاقش ومصارف محاكمه وسائر مك مرقوم يوردان تحصيله حكمدن ومستدى تميز يوردانك اشبو قرار عليهنده لايحه سنده محرر خلاصه اعتراضاتى دعواى واقعه مك امره محرر سنددن منبعث اولمسيه رؤيتى تجارت محكمه سنه عايد بولندينى حالده محكمه مذكوره جه خارج ازوظيفه رؤيت اولمسي مخالف قانون اولديندن بخله اعلامك تقضى استدعا سندن ومدعى عليه سليمان افنديك لايحه سنده مندرج نتيجة جوابى دعواى مبحوث عنهانك اقراض واستقراضه متدائر اولديندن مرجع فصل ورؤيتى حقوق محكمه مى بولندينى بيانيله موافق

قانون اولان اعلامك تصديقى طلبندن وسالف الذكر مطالعه نامه مندرجاتى دخى دعواى واقعه امره محرر سنده مستند اوله رق بومقوله سندادن متولد دعاوينك محاكم تجارتجه رؤيتى ذيل قانون تجارتك يكرى سكرنجى مادهسى احكامى اقتضا سندن بولمسنه مبنى اعتراض مذكورك موافق قانون اولدينى بيانندن عبارت بولمشد

ايجابى لدى المذاكره اعلام مذكور مندر جاتندن مفهوم اولدينى اوزره مومى اليه سليمان افنديك ادعا كردهسى اولان اقچه امره محرر سنده مستند اولمسنه وبومقوله سندادن منبعث دعاوينك فصل ورؤيتى تجارت محكمه سنه عايد بولمسنه نظراً محكمه مرقومه جه تشكيل محاكم قانونك اوننجى ماده سنده محرر اولدينى وجهله اعضاي موقته حضورى وتجاره محكمه مى صفى ايله فصل وحسمى لازم كلور ايكن بوراسنه دقت اولميه رق حقوق عاديه صفتيله رؤيت وحكم اولمسي اصول وقانونه مغاير ومستدى تميزك اعتراضيله مار الذكر مطالعه نامه مندرجاتى دخى بوجهنه متدائر اوله رق موافق نفس الامر كور لديكنه بناءً احوال محاكمه حقوقيه قانون موقتك

ايكيوز اوتوز ايكنجى مادهس موجبجه اعلام مذكورك تقضيله قانون من بورك ايكيوز قرق در دنجى مادهسى حكمه توفيقاً كيفيتك صورت مشروحه دائره سنده بكيدين بالرؤيه اعلامه ربطى ضمنتده محكمه مرقومه يه اعاده سنه وزبرده مفر داتى مرقم او چيوز طقسان طقوز بچق غروش مصارف تميزيه مك ايلرو ده حقسز جيقه جق طرفه رجوع اتمك اوزره اول امرده مستدى مرقومدن الخمسه فى ۲۹ تموز سنه ۳۰۸ تاريخنده متفقاً قرار ويرلدى

بفداد بدايت محكمه سندن فى ۱۴ تموز سنه ۳۰۷ تاريخى وقرق اتى عددى ايله ويريلاان اعلامك تميزينى مالىه خزينه جليله سنه اضافتله بفداد حكومتى وكلى طرفندن استدعا قلنمش و يوم معينده خزينه مشار اليها جانبندن منصوربك وكاله دائره بكش ايسده مدعى عليه بفدادك قريه باشى محله سنده مقيم حاجيك اسكندر افندى كلكدى كى جواب لايحه مى دخى

كوندر ميديكندن وكيل مومى اليهك ايضاحات شفاهيه سيله باش مدعى عمومى معا وئرندن سعادتلو يورغاكى افنديك مطالعهسى استماع قلندى

اعلام مذكورك خلاصه مالى بفداد ولايتى داخلنده كوت الاماره قضائى مال مدير اسبقى محودافنديك بااعلام محكوم به ذمت معلومه سندن خزينه جليله مك غير از استيفامطلوبى بولسان اون اوچ بيك سكر بوز سكران سكر بچق غروشله اعلام مذكور خر جنك ايفاسنده تعال كوستر مكد اولديندن كفالتى حصيله مومى اليه حاجيك اسكندر افنديك نقداً تحصيلى حقنده محلى حكومتى وكلى طرفندن اقامه اولنان دعوانك اولاً عياباً ومؤخراً وجاهاً بالرؤيه مومى اليه اسكندر افنديك كفالتى اقرار ايلمش اولديندن ذمت واقعه مك قبالديفته واولبابده كى حكم اعلامك مرجعجه فسح اولديفته متدائر در ميان ايلديكى مدافعات ايله وكيل مومى اليهك مبلغ مدعا بهك نقداً تحصيلى حقنده كى ادعا سكر رديله مبلغ من بورك نصفية ديون تحويلى اوله رق كقيل مومى اليهدين تحصيله حكمدن ومستدى مالىه خزينه جليله مى وكلى منصور بك اشبو قرار عليهنده كى باشلو

چه اعتراضی مبلغ محکوم بهک مدیر اسبق مومی
الیهک زمان مأموریتند ذمتنه کچورمش اولدینی
بر اقیچه اولمسیله تصفیة دیون قرار نامه سنده
کوستریلان دیون عادیه دن اولیوب نقداً استیفاسی
مقتضی اولدینی حالده تصفیة دیون تحویلاتی
اولهرق تحصیلنه حکم اولمسی مخالف قانون
اولدیفندن بخله اعلامک تقضی طلبندن ومعاون
مومی الیهک مطالعهسی دخی مبلغ مدعایهک
نقد اقیچه اولهرق تحصیل لازم کله جیکی درجه
اولی محکمه سنجه درمیان اولمش اولدینی حالده
اسباب موجبة قانونیه کوسترلمکسزین ادعای
واقع مسکوت عنه براغیلهرق ذمت واقعهک
تصفیة دیون قائمه سیله تحصیلنه قرار ویرلمش
اولدیفنه مبنی اعتراضات واقعهک موافق قانون
اولدینی بیانندن عبارت بولمشد

ایجابی لدی المذاکره اعلام مذکور
مطالعه سندن منفهم اولدینی اوزره دعوی
واقعهک مدیر اسبق مومی الیهک ذمت امیریبه
سندن غیر ازاستیفای خزینة جلیلهک بقیة مطلوبی
اولان معلوم المقدار اقیچهک کفالت واقعه سنده
مبنی مومی الیه حاجیک اسکندر افندی
تحصیلی طلبندن عبارت اولسند و ذمتنه مال میری

متفقاً قرار ویرله رک تفهیم قلندی

جزایر بحر سفید استیناف محکمه سندن
ویریلان ۱۱ شباط سنه ۳۰۷ تاریخی اعلامک
تمیزینی استدعا ایدن مدلولونک ایایورکی محله سنده
التمش بر نومرولی خانه ده مقیم بانو میخائیل
قورچی و کیلی عرفان بک ایله مدلولونک خلقة
قوله لری محله سنده اوتوزطقوز نومرولی خانه ده
مقیم اسپاکی موزاله افندی وکیلی حسن تحسین
افندی بوم معینه دائره به کلدکر نندن ایضاحات
شفاهیه لری استماع قلندی .

اعلام مذکورک خلاصه مالی مومی الیه
اسپاکی موزاله افندیکنک مدلولو قصبه سنک قره نیه
محلنده کائن برقطعه ملک ترلای متصرفی میخائیل
پاییدن اون درت بیسک غروش ثمن مقابلنده
اشترا ایدن مومی الیه بانو میخائیل قورچی
افندی علیه مذکور ترلانک بحسب الشفعه
طرفه تسلیمنه دائر استیصال ایلیکی اعلام

غیابی حکمه مومی الیه بانو میخائیل قورچی
افندی طرفندن اعتراض علی الحکم اولمسی
اوزربنه وجاهاً جریان ایدن محاکمه نتیجه سنده
مومی الیه اسپاکی موزاله افندی طرفندن
مشتري مومی الیه قورچی افندی به تکلیف
اولان یمینک اجراسنه مساع اولدینی کبی
معارض علیه اسپاکی موزاله افندیکنک وکیلی طلب
مواتبه وطلب تقریر واشهادک مشفوعک باشنده
ومشترینک غیابنده وقوعبولدیفنی بیان و افاده
ایستدیک حالده دیگر وکیلک موخرأ تحویل لسان
ایله طلب مذکورک مشتری حضورنده وقوعبو -
لدیفنی درمیان اتمسی تناقص دعوایی مستلزم
کورلسنه مبنی اعلام غیابینک فسخیله مومی الیه
اسپاکی موزاله افندیکنک بیوجه معارضه دن منعه
دائر لاحق اولان قرار علیهنده مومی الیه
اسپاکی موزاله افندی طرفندن استیناف دعوی
اولمسی وغند الاستیناف مستأنف علیه قورچی
افندیکنک دعوته اجابت ایتماسی حسیله وکیل
مسخر حضوریه اجرا قلنان محاکمه نتیجه سنده
مشفوع بهک ملکیتی سند رسمی ایله ثابت اولمش
اولدیفندن عند الاعتراض ایجاب قانونیسنه
باقلمق اوزره شفیع مومی الیهک طلب مواتبه
وطلب تقریر واشهادی اجرا ایلیکی مومی

اليه ميخائيل قورجي افدينك بيلمديكنه وكنندو -
 سنه مراجعتي وقوعبولوب حق شفعمه سني بيان
 واخبار ايله ملك مذكوري طلب ايتمديكنه
 دائر خصمنك طليسه اجراي تخليفه قرار
 ويرلش و اخيراً مومي اليه اسيمماكي افندي
 محكمه به كلورك مجله نك بيك يديوز قرق التتجي
 موده سي موجبنجه شفيع مومي اليهك حق
 شفعمه سني اسقاط ايتمديكنه دائر امر تخليفي اجرا
 قلنمش اولديغندن مذكور ترلانك نمن مسماسي
 اولان اون درت بيك غروش مقابلنده شفيع
 مومي اليه تسليمه دائر صادر اولان اعلام
 عليهنده مومي اليه قورجي افندي طرفندن اعطا
 قلنسان اعتراض على الحكم عرضحا لند نصكره
 وجاهاً جريان ايدن محاكمه و تدقيقات استينافيه
 نتيجه سنده مستأنف عليهك اثنای محاكمه ابتدا
 شده ملك مشفوعى مناصفة تقسيم ايتك اوزره
 عقد مصالحه و شرايه طالب اولديني حقنده
 مستأنف طرفندن درميان اولنان مدافعه نك
 بدايه سرد اولنديني جهته استينافاً تدقيق جائز
 اوليه جفته بناء رديله حكم غياييك تصديقه
 قرار ويرلديكندن واشبو قرار عليهنده مستدعي
 وكيلى عرفان بكك باشلوجه اعتراضاتى شفعمه
 دعوايله طلب مواثبه و طلب تقرير واشهادك

ايجابى لدى المذاكره تميز اولنان اعلام
 مفادندن اكلا شلديني اوزره عند الاستيناف
 شفيع مومي اليه اسيمماكي موزاله افدينك
 اولبابده اجرا اولنان تخليفه اراضى منازع
 فيهاده اولان حق شفعمه سني اسقاط ايتمديكنه

دائر غياباً صادر اولان اعلامك عند الاعتراض
 مومي اليه اسيمماكي افدينك ملك مشفوعى
 مناصفة تقسيم ايتك اوزره مومي اليه قورجي افندي
 ايله عقد مصالحه به طالب اولديني حقنده درميان
 اولنان مدافعه نك بدايه سرد اولنامسندن ناشي
 استينافاً رديله حكم غياييك تصديقه قرار ويرلش
 ايسه ده شفعمه دعواسي اراضيك مملوكه قسمنده
 جاري اوله بيله جكندن اول باول منازع فيه اولان
 ترلانك اقسام اراضيك قننى قسمندن يعنى
 اراضى اميره دنميدر يوغيسه مملوكه دنميدر بوراسي
 تحقيق اولنهرق اراضى مملوكه دن اولديني تقدريده
 شفعمه دعواستنده بولنان مومي اليه اسيمماكي
 افدينك طلب شفعمه به قننى تاريخده ايتدار
 ايدوب نه صورتله طلب مواثبه و طلب اشهادده
 بولنديك تحقيقيله شرائط شفعمه به تماميله اجرا
 ايلديكي نين ايتديرك لازم كلور ايكن بوجهلرك
 تدقيق قلنماسي و شفيعك طلب شراده بولنديغه
 دائر مستأنف جانبندن درميان اولنان اعتراض
 استينافاً بر دعوى احداثي قيلندن اوليوب اساس
 دعوايه تفرع ايدن مسائلدن اولديغه كوره
 محكمه استينافيه جه شفيعك استشراسي مسئله نك
 تدقيقه قانوناً مساغ بولنديني حالده بوجهلرك
 بدايه درميان اولنديني بيانيله تدقيقندن صرف

نظر اولنمسي مفاير قانون اوله ورق مستدعي وكيلىك
 اعتراضى شايان قبول كورنمش اولديغه بناء
 اصول محاكمه حقوقيه قانوننك ايكوز اوتوز ايكي
 و ايكوز قرق برنجي ماده لري موجبنجه اعلام
 مذكورك تفضيله قانون مذكورك ايكوز قرق
 دردنجي ماده سي حكمه توفيقاً كيفيتك بالرؤيه
 اعلامه ربطى ضمنتده محكمه مذكور به اعاده سنه
 وزيرده مفراي مرقم اوچيوز طقسان طقوز بيجق
 غروش مصارف تميزيه نك ايلروده حفضر چيغه
 جق طرفه رجوع ايتك اوزره اول امرده مستدعي
 قورجي افدينك النمسنه ۲۲ اغستوس سنه
 ۳۰۸ تاريخنده متفقاً قرار ويريله رك طرفينه
 تفهم قلندي .

ماردين بدايت محكمه سندن في ۲۷ كانون ثاني
 سنه ۳۰۵ تاريخي و طقسان يدي عسدي ايله

صادر اولان اعلامك تميزني استدعا ايدن مارد -
بنده مقیم انصاری زاده محمد علی افندی وکیل
جورجی افندی بوم معینده دائره به کلوب بمن
علیه ماردین اهالیسندن حاجی محو زاده داود
اغا کلد یکندن یالکز وکیل مومی الیهک ایضا
حات شفاهیة سی استماع اولندقدنصره تدقیقات
تمیزیه اجراسنه ابتدار قلندی

اعلام مذکورک خلاصه مآلی قاسم پادشاه
اوقافندن ماردین قصبه سنده کائن اولوب مومی
الیه محمد علی افندی طرفندن بالالتزام مرقوم
داود اغایه ایجار ایدلش اولان بر باب حمامک
اتصالنده بولنان ریجانیه جامع شریفنک توسیع
وتعمیری ایچون مومی الیه محمد علی افندیکنک
حمام مذکورک نسا طاقه سنه مخصوص اولان
طریقنی تخریبله حمام مذکورک بش ماه تعطیلنه
سبیت ویرمش اولدینی اولبابده اجرا قلنان
کشف وشهادتله تبیین ایتمسینه مبنی مستأجر
مرقومک ضرر واقعی ایچون شهریه تقدیر
ایدیلان اوچر یوز غروشدن بیک بشیوز
غروش ضرر وزیانک مجله نک بکرمنجی وطقسان
ایکنجی ماده لری احکامنه توفیقاً حمام مذکورک
بدل ایجا رندن تزییننه قرار ویرلدیکنندن

ومستدعی تمیز وکیلنک اشبو اعلام علیهنده کی
باشلو جه اعتراضی دعوای واقعه حقننده استماع
قلنان شهودک شهادتی درجه کفایهده اولدینی
حالد شهود مرقومه نک شهادتلیرینه بنسای
حکم ایدلسی مقایر قانون اولدینندن بحثله اعلام
مذکورک نقضی استدعا سندن ومیز علییهک
لایحه سنده محرر نتیجه جوابی دخی اعتراضات
واقعه نک واهی و نقض حکمی غیر مؤدی
بولنسی ملا بسه سیله موافق قانون اولان
اعلامک تصدیقی طلبندن عبارت بولنشدن

ایجابی مذاکره اولندقدن اعلام مذکور
مندرجاتندن منقهم اولدینی اوزره دعوای
واقعه قاسم پادشاه اوقافی مسقفانندن اجاره
واحدلی بر باب حمامک ایام تعطیلیه سی اجرته
متداثر اولسنه وبومثلاو اوقاف صحیحیه متعلق
دعاوینک فصل ورؤیتی محکمه شرعییه عائد
بولنسنه کوره محکمه مذکورک جه دعوای
مذکورک رؤیتندن صرف نظره مرجعه
حواله سی لازم کلور ایکن بوراسنه دقت
اولنیهرق فصل ورؤیت ایدلسی وظیفه خارجنده
اوله رق مغایر قانون کور ندیکنندن اصول
محاکمه حقوقیه قانوننک ایکوز اوتوز اوچنجی

ماده سی موجبجه اعلام مذکورک نقضیه قانون
منزبورک ایکوز قرق اوچنجی ماده سی حکمنه
توفیقاً کیفیتک عائد اولدینی محلی محکمه شرعییه
سنه حواله سنه وزیرده مفرداتی مرقم اوچوز
سکسان طقوز یچق غروش مصارف تمیزیه نک
ایلروده حقسنر چیه حق طرفه رجوع ایتمک
اوزره اول امرده مستدعی تمیز محمد علی افندیکن
المسنه فی ۱۰ تشرین ثانی سنه ۳۰۸ تاریخنده
متفقاً قرار ویریله رک تفهیم قلندی

قویلهحصار قضاسنه تابع قدیمه قریه سی
اهالیسندن طاهر اغانک قزی فاطمه ورفیق
اسعدک قتلنه جراتلری عند المحاکمه ثابت اولان
یوقارو قلعه قریه لی امام اوغلی عاصم وحاجی

مصطفیانک قانون جزانک یوز یتیش دردیجی
ماده سنه تطبیقاً اون بشر سنه کورکه قونلملرینه
حکم اولدینی حاوی سیواس ولایتی استیناف
محکمه سی جزا دائره سندن صادر اولان ۵
رمضان سنه ۳۱۱ و ۲۸ شباط سنه ۳۰۹ تاریخ
ویوز یتیش بدی نو مرولی اعلام ایله اوراق
مترعه سی باش مدعی عمومیلک مأموریت علیه -
سندن ۲۳ ربیع الاخر سنه ۳۱۲ و ۱۱ تشرین
اول سنه ۳۱۰ تاریخ وایکی بیک یوزیکرمی ایکی
نومرولی تبلیغنامه ایله محکمه تمیز جزا دائره -
سنه کوندرلدیکنندن جمله سی قرانله تدقیقات
تمیزیه به ابتدار اولندقدن مذکور تبلیغنامه ده
کوسترلدیکی وجهله دلائل و شهادتک تقدیری
حقننده وجدان حکام مصون عند الاعتراض
ایسه ده بو دلائل و شهادتک اختیالندن وارسته
اوله جق صورتنده قرائن قاطعه درجه سنی
اکتساب ایتمی دخی قاعده کلیه دن اولسنه
مبنی حاجی مصطفی حقننده اقلیت رأیک شرخنده
محرر اولان احوال اختیالیه نک تحت نظر تدقیق
ومذاکره به النهرق وجود و یازوالنه دائر قرار
اعطاسی جهتندن ذهول اولنش اولسندن ناشی
اصول محاکمات جزائییه قانوننک اوچوز اون

عليه در سعادت برنجی محکمه تجارتنده ایکی
قطعه اعلام مو جینجه اقامه ایلدیکی سکسان بش
عدد لیرای عثمانی مطلوبات ادعای اوچیوز اون
سنه سی تشرین ثانیسک یکرمی سکرنجی بازار
ایرتسی کونی ساعت الیده فصلی ورؤیت اولنه
جفتدن یوم ووقت مذکورده مدعی علیه مرقوم
اندره لوالک بالذات محکمه مز بوره ده حاضر
بولنسی ویاخود صدق سندله بروکیل کوندره
مسی لازم کلهجکی و عکسی حالده حقیقه معامله
قانونیه نک اجرا اولنه جفی معلوم اولق اوزره
تنظیم اولنان دعوتیه ورقه سی محکمه نک
دیوانخانه سنه تعلیق اولندیفی کبی اوراق حوادث
واسطه سیله دخی اعلان کیفیه ابتدار قلندی

فی ۱۱ جمادی الاولی سنه ۳۱۲

وفی ۲۹ تشرین اول سنه ۳۱۰

در دنجی ماده سنه توفیقاً اعلام مذکورک بر
موجب طلب تقضیه و ایکیوز غروش اعلام
خرجنک بالتحصیل محکمه تمیزه ارسالی لزومه
۱۸ تشرین اول سنه ۳۱۰ تاریخنده قرار
ویرلدی .

۹ جمادی الاولی ۳۱۲ سنه ۲۷ تشرین اول ۳۱۰ سنه

اعلان

بک اوغلنده جاده کیرده ۲۰۴ نومرولی
ایارتمانده تجارت وکیلی فرانسوا باروچینک
بک اوغلنده مقیم ایکن اقامتگاهی مجهول بولندیفی
تنظیم اولنان دعوتیه ورقه سی ظهرینه فرانسوز
دولتی سفارتی طرفندن تحریراً بیان وافاده
ایدیلان دولت مشار الیهما تبعه سندن اندره لوال

(مطبعة عامروده طبع اولنمشدر)